

山陰阮社章氏宗譜

卷十二


序傳

文詩

節孝總目

254
2277
12

山陰阮社章氏家傳序



凡家之興不於其興之日而
兆於所由興即族之大不于
其大之時而統於所由大賢
故火火故傳義深且遠也章

氏浙省巨室奕世簪纓推其
發跡之由厥惟唐末太傅仔
鈞公暨夫人練種德所致以
故掄元作宰彪炳一時唐宋
元明聿昭褒美歷今千餘年

通仕籍者談全城遺蹟猶無
不慨慕流連謂仁者有後宜
若是盛耳顧源根於一流用
分其支美彰於前盛必傳之
後嘗怪縉紳之族昧祖宗之

創始而不導揚先德者爲至
不敬甚矣家不可以無譜而
譜又不可以無傳也山陰阮
垞氏章者爲太傅苗裔由浦
城而富春而暨陽而泰南姜

山然後鑑水之北椒衍葛縈
獨成門戶中間日月火遠寢
熾寢昌哲人蔚起嗚呼偉矣
今春十七葉孫書燧余門下
士也糾族輯譜請余立言弁

家傳余通家友弗能辨於公
退之暇率爾郵寄蓋卽其所
請以爲應而先業之宏大後
嗣之振興胥於是乎見若太
傅偉烈夫人賢聲其全傳必

自能據述之而余可勿贅焉
是爲序

勅授文林郎知浙江江山縣
事丁卯庚午同考官年通
家生德豫頓首拜撰

一
 二
 三
 四
 五
 六
 七
 八
 九
 十
 十一
 十二
 十三
 十四
 十五
 十六
 十七
 十八
 十九
 二十
 二十一
 二十二
 二十三
 二十四
 二十五
 二十六
 二十七
 二十八
 二十九
 三十
 三十一
 三十二
 三十三
 三十四
 三十五
 三十六
 三十七
 三十八
 三十九
 四十
 四十一
 四十二
 四十三
 四十四
 四十五
 四十六
 四十七
 四十八
 四十九
 五十
 五十一
 五十二
 五十三
 五十四
 五十五
 五十六
 五十七
 五十八
 五十九
 六十
 六十一
 六十二
 六十三
 六十四
 六十五
 六十六
 六十七
 六十八
 六十九
 七十
 七十一
 七十二
 七十三
 七十四
 七十五
 七十六
 七十七
 七十八
 七十九
 八十
 八十一
 八十二
 八十三
 八十四
 八十五
 八十六
 八十七
 八十八
 八十九
 九十
 九十一
 九十二
 九十三
 九十四
 九十五
 九十六
 九十七
 九十八
 九十九
 一百



其續傳總序
家之有譜猶國之有史也史之體爲勸爲懲勸者榮
於華袞懲者嚴於斧鉞古人一字之褒一字之貶舉
非虛語耳言乎譜則不然宗有大小派分嫡庶嘉耦
同心見敵體之不假螟蛉收養嚴非種之必鋤此其
例近乎史若夫豐功偉烈山水同其高深潛德幽光
日星無此彪炳弓冶垂型於禮堂構誌美於書蓋有
不以懲而以勸者欲世次之長存務弁冕其所重曾
南豐之所謂異於史者意在斯乎太傅深仁厚德浹

於唐代若憫釋將校全活闔城則夫人之遺跡於今
爲烈也一堂金紫奕世魁元椽肇揚休壽諸梨棗雖
有作者當無以贅逮二十二世定三公爲阮社始考
卜築以來世又甘易其間澤被百姓行著一鄉紹業
貽謀文學兼擅父言慈子言孝苦節幽貞實跡都在
洵乎繼繼相仍澤未有艾也倘不蒐採遺芬攄以彤
管將有美必揚之謂何矣稱述先世百代惟馨昭示
來茲亦克用勸敢云所見異詞所聞異詞所傳聞又
異詞乎燿不敏敬事續貂覽傳者勿因史寓創懲而

疑珥筆之有溢美也

嘉慶癸酉年二月太傅三十八世孫書燧敬識

前所社派序列七世金公編與世序厥孫年交
後志願前編延及今嗚呼事惟由官乃可鼎新
坐初者辰州縣教選兩社之功堪謂及乎披瀝
短章以弁左錄
西家之西進尚前策初身未前所書太傅孫燧序汪
序此八氏學政昔者金公職滿致來靈斷斯為頌
前所編十五世中矣前所書太傅孫燧序汪

家傳備覽

家傳之作以誌褒也有美必揚一善亦錄讀舊
譜阮社派序知七世金公編次世序厥孫芹公
繼志續輯綿延及今嗚呼事惟由舊乃可鼎新
型仰老成用勗後進兩祖之功庸可沒乎敬泐
短章以弁於篇
西巖之西鍾奇祥策勳皇宋初南唐太傅釋校度汪
洋夫人氏練徽音彰全城歡播歌無疆螽斯協頌俾
熾昌偉業十五亘中央掄元作相彌焜煌大瓜小瓠

皆餘慶猗歟源遠流自長始遷富春綿烝嘗再徙乃
在暨之陽泰南姜隴遙相望我祖移宅來此鄉盈盈
一水鑑曲傍前接蟹舍後漁莊耕讀世守姓氏香弓
冷積累庸可量亦越哲嗣肯構堂仰維宗緒中徬徨
年代遞易校擲忙本根枝葉腹笥藏譜之爲普真文
章敢試小技竊縹湘南昭北穆取義良有條不紊毫
染霜屬藁不隨風雨亡續成直分雲漢光派若列簪
顯濟蹠筆杼銀管騰琳琅我欲一酬先生觴爲識短
篇示不忘

九世祖萬安公傳

公諱尚德字萬安酣樂公仲子也天性淳厚喜讀書折節下士外解推鄰里稱爲善人而公雅度春容飲然不足嗣二長玉華冢孫文煥郡庠生仲孫文煜華陰縣縣丞次奎璧燿十世祖也任山左高密縣縣尉有政聲一門清白三世簪纓人僉謂徵公德不及此迄今登堂拜謁有額高懸孝弟慈三字炳若日星竊嘆公於本厚之地獨持其大以故偉幹豐頤享秩耄耄而數百年來秀讀愿耕子姓繁衍天之報施善人

十世祖奎璧公傳
士以身許國君其父民節其子此外非所知也近世
登士版者往往弋取浮名希圖實利問所謂痾癢在
抱之義漠然其無聞焉噫彼將庇其子孫故不念及
百姓乎不數傳而往過爲墟者有之我祖奎璧公則
不然公諱天傑援例銓選宰高密縣縣尉時值饑饉
比戶流離餓莩塞巷公惻然久之而無能爲力也先
是公考萬安憫厄濟艱利不專已計遺產惟負郭之
田一十八畝奇公曰贍吾家而生曷若救吾民而不

之死也照直立券命僕奔歸賫銀返署爲饘粥而嗟
 來之民雖不全賴以活而感激之聲口碑載道一時
 爲上官者亦無不動容改色謂吾屬有良吏今夫博
 施濟衆堯舜難之立人達人仁者首重公下秩耳乃
 能推廣先澤噢咻斯民若是倘所謂移孝作忠者耶
 抑古之遺愛當不過是耳詩云豈弟君子民之父母
 公雖匏繫一官賈志以歿而公之嗣以善地葬親十
 世考儉質公遇異僧十二世考授地卽今之邱家潭公之孫以方正持世伯至公持
 行醇慈鄉彼享一時之榮而亡不旋踵者能如是之

昌熾其後耶冥冥之中默司陰騭讀公之傳以想見其爲人忠君愛民之心亦從可油然而生矣

贊於惟下吏獨抱深衷民歌豈弟齊魯之東割膏曰壤兮饘粥實捐私而濟公將比德於黔敖而大抑無愧於長孺之忠

十一世南泉公傳

嘗讀宣聖之訓曰可與立未可與權權者大人之學
注訓權輕重使合宜其實卽臨機應變之謂漢史汲
長孺矯發倉庫死者以生竊嘆其與權字有合後世
筮仕名臣鮮有能及之者今得之族考南泉公公爲
定三公十一世孫勤恪公冢嗣也五齡解句讀十齡
知文藝先進以大成望之勤恪公因已遊庠不第亦
極意栽培冀圖上達嗣家苦屢空赴部趨事勞動數
年大官括目旋得銓發江右以興國縣主簿任篆蒞

任後愛民恤刑錢不入手雖下吏明幹清廉僚憲咸
重之越數年夏旱赤地民饑乏食會邑令因公晉省
公代攝事民素稔公厚乃相率千餘匍匐下謂父
母憐我曹久矣今瀕死曷不加矜出倉儲活蟻命乎
夫倉廩國帑也主尉下秩也苟不達權必將拘牽常
制愛惜微官而一時之仰首鳴號者卒待斃無所救
乃公則憮然曰與其守經而保官曷若應變以獲罪
開倉解散存活無算令回聞憲交章參奏公又曰民
聊生罷黜余分耳卽卸篆抵都尋蒙寬宥仍發原任

効用事與漢武之不問汲公同次年秋收大有民思
所以報公而公已掛冠告退矣不牽經不戀棧殆兼
得之然爾時士民之戴公者益摯挽轡攀轅歎息泣
下後知公計決堅不可留乃相約醵金爲贈却之贈
益夥乃悉以子視民獲報良厚也公旣罷邑民念之
膾炙弗置口服官江右勒碑之愛流傳報最王朝入
觀之圖斯在其贊語也明中憲王公斯昇亦有詩送
之云羨殺公爲民父母而今仗義賑饑寒句載行述
嗟乎士不學不足以官民學矣而不審臨變應急之

十二世駿仲公傳
太史公曰談言微中
可以解紛紛之所駭者
廣箕箒開爭擾鋤致獄
風之不古匪伊朝夕矣
士人懷負經濟大之則
治邦邑小之卽正鄉閭
息訟弭爭裨益非細如
畏清議而必日視詩書
杜門不出是直拘謹之
儒而未足與窺宏宏者
矣操斯說也可以論我
族之駿仲公公諱宏行
二康熙癸酉歲貢生世
祿公仲子也建立宗祠
惟公之力少侗儻負才
氣讀書過人遇目輒了
經史百家靡不洞徹窾
要然賦性和緩不喜

人爭宗黨有疑獄率就質之公引爲已責勿麾之去也甫冠補弟子員歲科輒高等樹幟文壇士林却步不數載括目宗匠食餼於庠公爾時將以所蘊爲邦邑用也無何鹽車抱困屢躓棘圍引鏡窺顏鬢毛已二用是拊膺太息毅然以整頓鄉閭爲已任無爭則已爭必折之理論之情使其人回心嚮道而後止有成獄者經公提撕無不冰渙於懷卽願置喙以故遠近慕義肅刺來庭戚友欵求殆無虛夕公自信排解之下毫不指染有規以不登官堦者額肯之耳意洒

如也嗣族中因案具息弁公於呈堂吏唱名畢邑令
呼公至案前曰爾章宏耶每日收詞有爾案不思諸
生踰檢首在顛官乎一時戚好頗失色爲公懼公則
從容長揖謂父母訓良是然生之所以來庭者悉屬
化有爲無並不顛倒黑白檢往案有許人情節及爲
人告發願將破頭巾納下耳令查閱他卷果皆息詞
而詞中所呈又復語意溫 and 情理周匝因色喜拱手
云君果有爲之士有見之談始以孚室爲君憂吾滋
愧矣嗟乎士非有才之難有才而不枉所用則難公

居庠序數十年爲人調析妥當易危爲安亦豈止數
百事蓋以士不世用將出其材畧表見於鄉否則老
死牖下徒鬱鬱耳彼藉口申韓甘心刀筆乃日詡詡
於衆曰吾從不以曲爲直焉吾不知其所直伊何矣
恐舌底翻瀾無非禍水空中幻市立爲厲階排難解
紛其此之謂乎是直爲公之罪人而已矣
贊 抱經世志負濟時才騏驥伏櫪悲鳴孔哀小試
曰 作用並受滋培調和有術榆社無猜

公之德器璞玉渾金公之才華霞蔚雲蒸公之文章
大呂黃鐘公之襟度霽月光風孝友本於天植睦族
出於性真研精經史董江都下帷之勤感孚鄉黨陳
太邱化俗之仁入庠序貢成均擅文名者五十載足
以楷多士而貽後昆年彌高德彌劭巋然如靈光之
獨存允矣爲邦之彥而國之貞迄今瞻公像者猶覺
其英靈不歿而曳杖逍遙於柯陰阮曲之濱

勅授文林郎河南汝州伊陽縣知縣外孫呂大抱百
拜敬題

十二世叔和公傳

附清之公

蓋聞追遠輸誠冠倫常以居首立言不朽殿功德而
爲三左昭右穆睦族本乎敬宗作聖述明承先因之
啓後此家乘之珍義符國史而付雕之易寶賴窮源
者也我族叔和公一庭孝友奕代詩書承顏繞膝萊
衣抒愛日之忱讓棗推梨田萼吐臨風之艷勵志屬
縹緲之古室燦藜輝樂心在稼圃之勤約聯榆社義
方垂訓仁儉宜家人羨枝葉之繁福綏未艾公念本
根之遠祖德長存爰乃芳搜彤管榮崇唐宋之朝跡

湖南閩瑞兆鷓鴣之嶺作一城之保障巾幗無儔享
百世之蒸嘗馨聞勿替子姓冀其有序謹定宗盟蒐
輯寧敢云勞早存成竹累遷累徙俎豆聿奠於山陰
日引日長流派恍同夫鑑水事有條而不紊快夙志
之斯酬人詢謀而僉同期後來之居上嗣子能賢共
門競爽則又有清之公者先生長君吾族翹楚讀書
不求甚解淹貫輸人事父自愧未能敬承在我遺編
未蝕覩甲乙以增悲手澤爲昭撫蒿莪而生感索披
祖牒敬事修明賢夫人不死千百戶頭顱之活全因

退帛還旗家太傅長存十五祖勲業之留增重掄元

作相約雁行以商確公同從兄仲讓善多情勞馬足

於奔馳獲函足寶公製序云顛未得之京邸維昔搜羅得次道比

梓橋迄今剗劂增功情深雲耳考暨陽之世澤派早

無訛春暮族叔姪四人同至諸暨青山訪悉阮社之派果自泰南姜山分支辨僂里之

家聲氏原同錫道墟派出仁郁公厥考無逸既語焉而能詳

小子克勤復言之其有物茂矣美矣一本肯堂肯構

之文堂哉皇哉為申南山北山之義

贊能作能承是父是子先後抽毫顧牒色喜出言

曰 有章其音孔好付之梓人百世用寶

古文堂始自吳山北山之麓

...

...

...

...

...

...

...

十三世高

考珍甫府君
妣沈太孺人

合傳

易曰夫夫婦婦而家道正又注夫愛其內助婦愛其
刑家甚矣妃匹之際可以驗人事之得失家運之廢
興而光大宗祊培植蘭桂胥於是乎在高考珍甫公
起家寒微躬業耒耜間以秫蘖釀酒泉謀獲什一鄉
先進咸謂操勞之下寒暑無間卽歲時伏臘未嘗有
倦容韓子曰食焉而愈其事必有天殃其免之矣顧
考旣非承遺業有餘貲者向令晦迹庶下勉爲伯鸞
而起視閭內無致敬如賓之德矐爲之主中饋協真

吉焉輿說輓夫妻反目正內正外之義未必並行而不悖矣其能無內顧而怒然乎然卒日致羸餘家室和樂則實賴高妣沈太君內助之力居多太君系出興浦沈故大族考贅婚後以貧窶不相得輒疏往來太君承考意亦遂誓甘苦絕歸寧焉噫世艷富而不安貧也久矣聯姻豪家率皆俯首承顏猥鄙自下卽令麾之使去而暖暖姝姝如馬戀棧有不堪爲正人見者於是矚其妻室亦且恃富而驕卑其夫壻以至於不可禁考布衣而不屈若彼太君女流而識大體

若此刑於內助兩無缺焉其亦可以媿世之不自樹

立而罔修婦職者厥後門戶漸闢曾伯祖正水公曾

大父敬輿公延請名儒訓迪子姓

伯祖新育公諱行昌仁和庠生有文

行一門之內簪纓煥然迄今五世相仍猶多鼓篋而

趨成均者家道之成其未艾乎抑高

考在

天之靈實

式憑之也考諱啓琦別號澹恪年六十一以疾終

贊如鼓瑟琴義屬夫婦載讀經言欣考得耦婦賢

曰不驕夫貧能守以儉以勤無悔無咎

賜進士出身資政大夫前蘓松巡撫宗末煦頓首填

諱

曰 不歸去負指台以對以懷撫無咎

在慈女出書籍習誦限熱辭辭年六十

豈知以魯來節女知其未其乎味高

亦一門女內皆疑然然合正世味四餘

大女婚與公孫精為歸順與于

立而概遊轉無香無翁門耳漸關

立而概遊轉無香無翁門耳漸關

立而概遊轉無香無翁門耳漸關

十三世恪庵公傳

積書未必能讀遺金未必能守古人之惓惓於德者
良有以也族南泉先生義捐種德豐大其家嗣武泉
公紹業詩書一瓊終老人疑積累之所及若是已耳
抑知貽謀之在厥孫者遠乎厥孫爲誰則恪庵公是
公諱啓烺字仲彰行二同氣四人伯氏鳴長公亦補
弟子員屢試不第公因棄佔畢束裝北遊蹒躑部務
越數年銓任永平郡驛丞當是時乃祖之政績膾炙
人口公奉行其道守職無忝官雖微吏治昭焉第公

抱偉畧志節過人爲斗米折腰有不屑抗塵容而走

俗狀者無何嗣子奮興出宰大邑

長君省齋公授江右雩都令公

曰可以已矣遂白各憲解綬歸今夫才之足以有爲

者不域於一途已也或出或處於官於家務盡其職

之所當盡而後快於志公既謝事家居因念睦族敬

宗厥任匪細葺寢廟先靈妥焉

公會董事葺廟訪譜牒昭穆

定焉

蒐宗譜於暨陽之鳳山

夫而後公之才展而公之志畢近

世休官者累矣有能急先務若公者誰耶厥後清心

淡慾與世無求髦耄優游林泉自樂稽易簣之日已

年屆杖朝矣不忘本源不戀榮利其公之所以異於
人乎抑南泉先生之留庵者大故累世而不隳其緒
云
贊 紹述祖德不隳令名顧瞻後嗣益昭政聲解組
曰 能決報本惟誠毫耄享算繩蟄簪纓

十三世雲卿公傳

墟墓之間未施哀於民而民哀宗廟之中未施敬於民而民敬葬之爲言藏也人子旣相地以掩棺廟之爲言貌也子孫必潔寢以妥主廟制諸侯五大夫三士二我太傅受封瑯琊位在上公之列作廟翼翼其埒於諸侯乎然制可統於先人而力或限於後嗣阮社始考定三公由暨陽姜山贅居此土子焉一身財力未贍以故春秋霜露不過撫時怵惕家祭輸誠已耳厥後門戶高大子姓繁衍而於立廟一節猶復因

循置之亦相擇爲難基址弗定所致越十二世駿仲
公毅然身任釀金鳩工顧亦覓地而未可得從姪雲
卿公盧舍之東有田在焉詢之輿師僉曰可愛召宗
人估値往購意田屬高原或索重貲有難色乃公則
幡然曰予獨非太傅孫乎而顧以値爲還値立約計
田一畝奇衆皆肅服寢廟之成遂基於此今廟址改
移較前稍煥而公所輸田相去數武列祖陟降之靈
實式憑焉凡我後嗣過此輒低徊不能去嗚呼俗之

諭也大率厚其妻孥麗其私室而於祖宗祠廟每相

視爲不急之務試令對公有不汗顏愧死乎廟祭向
有堂額恤孤公復捨產捐資一無吝色嗣備三公敬
承先業樂善好施暑月捨便面隆冬以棉纈給親鄰
之無衣者其他扶困蘓危不可枚舉爲並及之以見
有是父宜有是子也公諱啓龍行一以州司馬卒
贊 君子營室立廟爲先禮經誰守公乃慨然棄其
曰 膏腴妥我列祖今雖改觀厥情彌古

十四世曾大父敬興公傳
高 考 珍 甫 公 嗣 三 長 字 王 言 次 字 正 木 曾 大 父 其 季
也 高 考 故 貧 窶 以 儉 勤 漸 致 饒 裕 並 賴 高 妣 沈 太 君
內 助 家 室 雍 和 睦 姻 任 卹 之 風 播 於 里 黨 前 傳 已 據
述 之 尋 高 考 捐 舍 長 曾 伯 祖 王 言 公 不 祿 早 折 紹 先
業 者 惟 正 木 公 暨 曾 大 父 二 人 曾 大 父 諱 禮 隨 正 木
公 納 粟 入 成 均 狀 貌 雄 傑 聲 洪 於 鐘 鄉 里 畏 之 且 敬
焉 然 稟 性 孝 弟 凡 經 理 家 政 婚 嫁 喪 葬 諸 大 節 悉 皆
遵 請 於 兄 不 稍 恃 才 凌 轍 而 正 木 公 亦 愛 憐 季 弟 百

端自勞故問舍求田出入會計以及朝夕傳餐男錢
女布之細惟正木公主持之而曾大父不與焉顧有
開必先當讓能於父兄而相助爲理毋坐荒夫歲月
曾大父慨然曰逸則淫淫則忘善予不佞仰承先蔭
其果容坐而嬉乎闔以內兄爲政經營異方予其宜
也用是稟命仲氏決計壯遊於郡之昌安鎮開設木
肆與諸大賈交言必信策必中不數十稔而高考留
貽又日積累高大易曰克家書曰肯構其皆當之而
弗愧乎今夫未俗常居奇以歛怨庸愚恒多藏而厚

亡近世豪右之族坐擁倉箱尺寸不讓問能念先澤而追遠輸誠乎曰無有問能顧後嗣而延師養正乎曰罔聞無惑乎慳吝交譏而孝慈之不概見於天下也初族駿仲公創立家廟一切規制費用未數曾大父依額捐輸弁名簿正迄今入廟思敬者猶稱道勿衰有餘慕焉余家舊服隴畝昏作勞讀律未諳外侮踵至曾大父與正木公商延蔗林徐瑕菴先生掌訓家塾先生郡名宿諸大父輩敬事若父績學無間宵小遂莫敢窺伺焉然後歎向之棄書服賈而溷跡市

塵者蓋諳於大義有爲而然非如今之濫逐椎刀也
後因勞致疾寒濕下注足不履地者近十年稍健命
家人輿掖起坐諭以持已處人之道自朝至昃娓娓
不倦配潘太君系出里南柯山爛壺範爲里女宗里
之循婦職者咸受益太君近世尙憶之雙慶七十額
堂曰鴻德齊芳允矣其齊芳耳乾隆五十年世父蒞
浦公宰山左恭遇 覃恩馳贈山東博山縣知縣晉
太君爲孺人

贊 生有雄才指揮倜儻篤於本根愛親敬長嘉耦

曰匹以嗣徽音
綸誥天錫並飾華簪

賜進士出身貴州司刑部主事姻末沈世求載拜墳

諱

十四世省齋公傳

爲繭絲易作保障難筮仕之際可以審天性之厚薄
趨向之邪正而里社綏安民生樂利實於是乎寄彼
歛賦病民屯膏肥已卒之身敗名裂而旋歸於盡者
所謂剖腹藏珠不知自斃也審是而族祖省齋公足
風矣爲述其畧如左公諱振煜字夔一仲彰公冢嗣
也幼岐嶷出語驚長老庭闈應對等於成人就蒙塾
授四子書爛讀朗背仲彰公赴部任勤公數齡耳然
置羣兒中自卓然別也逮舞勺仲彰公滯留京邸尙

未得官公於斯時潛心肄業戀守一瓊樹幟文壇宗
工括日直指顧間事耳乃公留意世務毅然以官人
爲已任稟命堂上束裝之燕載雨雪具衣冠遊子情
形宛然在望道旁觀者咸疑年未弱冠而率意爲此
無論不遇卽遇矣究恐才短於事爲斯世所不足已
而彌月抵都謁父旅次仲彰公起立拱手問客何來
想見兒童生小不相識也公以實對仲彰公張目叱
之曰吾來此髭髮漸白尙爲人作嫁裳爾何知乃於

馬後車前甘効跋涉耶公頓首泣誓有志斯成因遣

館上効力約十稔仲彰公銓任永平郡驛丞公館績
未滿不隨侍又數年仲彰公將次報最而公亦依額
議敘出宰河南歸德郡經歷之任後凜遵先訓恪守
官箴民望攸歸口碑鑿鑿古云撫字心勞催科政拙
當不過是然後知當日之銳志遠圖實屬確有定見
非如他人出門惘惘作離別可憐色也嗣仲彰公因
公受篆解組歸公割俸銀郵請輯乘仲彰公得鳳山
譜囑從弟清之
公校訂竣事報本追遠睦族敬宗殆讓善於親而不啻公
之身任其勞也厥後仰邀憲擢陞篆江右雩都令題

署寧都州牧攝府務公廉俸較倍慨然以葺廟爲念

康熙五十八年公命冢
嗣聲遠公督修宗祠此外兢兢淵水毫不染指噫

世之士大夫以保障自許者多矣未幾言析秋毫繭
絲致誚蓋由大性儼薄并不計其咎將自及耳核公
之所爲謂非什百千萬乎乃天不錫算年未耆而病
病未久而歸歸未久而逝當日親黨皆驚悼之卽今
日子姓亦無不追感之也豈非公之抱負有真而能
敷歷以濟世哉公同氣三雅尙友愛克孝於親仲宗

玉任陝西南鄭縣典史李均玉充國學生爲並及之

卽以驗公之怡怡協訓而一門競爽焉可也

贊 猗歟有造居然成人壯遊北上出而宜民報德

曰 於祖讓善於親卽今想慕想慕彌真

十四世德行公傳

莫爲之前雖美而弗彰莫爲之後雖盛而弗傳此非
止爲一家言之其實弓冶箕裘繼承勿替有可卽此
義相發明者族清之公繼志輯譜詳於前矣其嗣德
行公所爲亦有大過人者公同氣六人長德懷江南
臨璧驛丞次德義湖北見利縣尉並著惠愛有政聲
公次三少幹練貿易京邸獲利無算而性不吝嗇扶
危持困爲善於鄉憐范叔慕黔敖設蟻度解雀羅歷
歷行之膾炙人口竊疑小恩市惠闕於大節或未可

知乃詳考公行自孝友睦姻外併能追本窮源敬祖
睦族康熙年間祠廟漸圯鳩葺爲難公慨然捐輸一
身了局乃知向之見美於人者特公之緒餘耳以視
世之便其身圖而不畏物議者相去不天淵若耶勒
之篇所以徵清之公之有後也諱振禮國學生
贊 剔歷之才敦厚其品飲水思源入廟彌凜仰瞻
曰 棖字克壯於前惟公肯構以啓後賢

其言七節聯美而復渾其爲之妙難盡而亦難出非

十四世達先公傳

人未有不圖遠者而每忽於近近之不講則遠正未
可恃也族曾伯祖達先公稔此矣故其生平行事不
過日用之恒爲所當爲盡所能盡卒之恢宏先業式
煥新猷有莫能越其範圍者夫非操之有要乃能出
之無窮耶公諱振源行七浩亭公仲子也公六齡浩
亭公遊幕粵東歿於官署距程四千餘家業式微柩
難旋葬恂如先生公之堂兄也往返素熟公匍匐哀
求扶櫬歸里安厝後擇葬梅壑之高原去阡十里許

土脈高燥水勢環聚輿家過此僉以佳城目之而公則曰葬之以禮而已外此非所營也夫人紀必先孝弟庸行聿重父兄公少失怙含殮缺如嘗抱未能事父之痛歲時致祭涕泗紈流孺慕之情久而彌篤事母氏太孺人汪問視無忝待兄孝先公隅坐隨行極盡弟道孝先公亦待公厚遇公嚴稍拂意輒恚聲色並厲公長跪顏霽乃起里人見而異之公晏如也伯兄是依尊等於父經所謂立愛立敬者其兩盡而無

魏云公博家累難坐食甫冠即習陶朱白圭術往返

京師貿易什一礪礪數十年艱苦備嘗克致饒裕以
卑鄙委瑣者處此必且念跋涉私橐囊視宗黨如越
秦等骨肉於行路而一時之非而議之者亦遂日以
守錢唾詈交至乃觀於公而所爲所行獨有相去萬
萬者親盡則殺祠廟人之所後也而公先之誼盡則
疏支派人之所輕也而公重之初吾族廟田除醮金
勒置外額數未充收息較嗇公身任會計子母兼權
不數載逐次增買今之按籍而稽畝以百計者強半
出公手公之厚於一本者旣彰彰若是而公於合派

同支更不從薄焉每歲終遄歸困苦環集卽以所獲
贏餘分別資恤屢告無難詞累周亦無德色公歿三
十載矣猶有追念而啣激勿置者當日之入人肺腑
又復何如耶今夫人之逐逐於末者大抵爲子孫謀
久遠計而卒之不如所願爲其明晰在得失之末而
於持躬大節則概未聞道君子也以公之行想公之
人其諸天性渾厚素位而行踐於近不驚於遠者九
原可作曷嘗有邀福之見哉然而天高聽卑德至福

集世未有愛親敬長篤本培源而或充裕一時不豐

大於異日者則公之有後又可不再計決也公嗣三
長堯三次引年季佩芳燿祖行也雅尚詩書勤服稼
穡子姓可百人率皆愿樸醇謹無刻薄習氣而其冢
塋泰鴻字懋言者尤坦直伉爽與燿同硯一載稱水
乳交今同校讐廟中詳述祖德囑抒管城燿不才敬
從事焉謂卽以誌操有要而出無窮可也或謂公事
母孝祀神誠孝故太孺人汪耄耄壽終公毀瘠骨誠
故合村幽蜡公亦掌簿正權生息迄今神廟巍峩而
俎豆豐潔焉子曷不備書之予曰求兄運喪未有厚

於父而薄於母者敬祖睦族既大彰明較著矣祭必
 受福豈以神道涉幻而不躬親禋祀乎
 贊 品質高古世之典型書以銀管生英死靈彼逐
 曰 逐於末者吾將奉公以愧之而一滌夫齷齪之
 附錄像贊
 垂髫時側聞祖父稱鄉里篤實君子必以翁為首
 推及成童與諸孫為筆硯交親見翁與太君敦睦推

解人而不偷即謗劣如豫者亦必多方獎進並代述

先人厚德以勗之能使後生小子感而生敬今翁與
太君下世已三十餘年嗣君輩恪承先志有美益彰
蔚起孫元並足以發潛德之幽光而不振其令緒全
城章氏世爲浙西望族數十年來獨阮里一支較爲
蕃盛此固先澤留貽者遠亦翁與太君負荷而佑啓
者深也豫服闋將補官出翁遺像索題不能以不文
辭爲敬記豫之所聞豫之所及見者如此敢以質諸
世之敦善不忘者

賜進士中憲大夫掌京畿道御史巡視北城通州漕

十五世允展公傳

昔鄭僑以乘輿濟人孟子曰惠而不知爲政夫溱洧鄭之孔道國氏之濟實慈祥惻怛之意流貫而出而孟子譏之者謂其一時蒙休計難長久乃知臨河而嘆勢等望洋造爲輿梁庶其普遍不朽也從伯祖允展公性淳厚以長者稱好推解貧苦親鄰顓輒應鄉里德之而公歉如也居之北名塘坳以連接官塘故云西半里許距古殿鎮武舊無橋居民至此以舟渡有遭濡首之厄者謀置略約商之公公不可慨然傾

囊鳩估石料彌月而成額其梁曰集賢殆不自以爲
功耳吁人之窮達不同而施濟則一公韜跡鄉閭無
民社寄然危無不憫善無不爲乃卽於一橋見端向
令乘時秉軸安知不人人濟之哉公諱大成行大援
例入成均宗祠之建亦與有勞焉
贊 若濟巨川用作舟楫伏處鄉隅蔑由利涉榆社
曰 之北塘流孔深爲設蟻渡爰免石沉

十五世大

父節庵公
母懋氏太君

合傳

燿五齡大父卽見背聲音笑貌都如夢境迷離不可
復憶前大母朱生一姑卽歿姑適蓬山沈本生大母
沈系出東浦撫諸父五人姑四焉六十二壽終燿年
已舞象矣噢咻撫摩相去久遠願懿德淑行爲鄉黨
稱重諸父嘗舉示燿輩燿不肖表揚無日珥筆能詳
謹陳其略如左大父諱大本字立中別號節庵從事
徐瑕庵先生先生郡名宿大父性嗜學規撫試帖外
喜習王趙墨蹟先生以國器目之嗣曾大父生祖姑

四惟大父承膝下歡且癯瘠曾大母不欲以考校重
致困頓遂援例納粟焉人不朽有三立德居上德重
孝友睦姻次之任卹又次之大父愛親敬長天性爛
然曾大父寒濕下注兩足拘攣卧牀褥者十稔奉侍
湯藥怡志承顏唯謹勿懈匪特夕膳晨羞盡職平日
已也殆詩所云色思其柔者於孝養乎何忝世之薄
於兄弟者昧同生之義絜短爭長尺寸不讓甚至操
戈於室變生閨墻所在皆是大父子焉寡儔而待諸
祖姑獨厚遣嫁奩資必豐歸寧款待備至長衾大被

以未獲爲隱痛非惟孝故友耶未俗之偷也飲食致
訟乾餼以愆習俗移人賢者不免將箕箒耨鋤之故
且頻致詬誶矣大父承先廕有餘貲貧苦親鄰體卹
周至與賤者交易必多值以與而物之好醜勿計謂
我與之較他適或難脫也有故適市遇所熟識或風
雨暴至卽以去舟載之而已另僱以歸里人佃田歲
終無息每至質官責償而大父獨憫其艱不棄所佃
迄今簿正宛然猶有談及而泣下者緣祖父感恩同
於身受也由是觀之又何睦姻任卹之足云顧此正

未足以盡我大父之爲人也初吾家服穡而外相尙
服賈自曾大父以詩書董後嗣大父抱志未售用勗
諸父孟父績學倍至登賢書宰山左恭值 覃恩贈
銜大令下逮諸孫四登庠序今猶有飲賓興之酒者
非皆大父之敬禮師傅待士若渴爲之乎語云不於
其身必於其子孫觀大父之增光於後而恍然矣前
大母朱中饋未久人頌宜家孟父得雋之年扶病入
闈中夜而劇寐中聞有呼名而啜以甌茗者飲畢汗
發醒而霍然歸告大父則夢中所見卽遺像中之大

母朱也死靈若此其生可知大母沈舉止端厚閑靜寡言撫前生姑及庶生叔姑如已出治家尤巖肅有方男誦讀女織紵必躬親約束勿令稍怠遊僧女巫母許入門室有姑婦勃谿而夫妻反目者多方開導霽顏乃已親未葬子未婚多金予之使竟事焉巾幗有是其婦宗乎然後知大父之克齊其家大母實相助爲理耳鄉人皆好宣聖以爲未可惡其愿也家人嚙啗婦子嘻嘻大易之所垂戒大父里所爭重而丰骨獨峻並不苟合取譽大母笑言服飾如山如河壺

以內翕然宗之又豈患嘻嗃乎夫善善從長君子之
存直有美必錄孫子之盡誠大父母積善累德獲報
於天見美於世當有借銀管以揚休者惟故摭述聞
見爲先人彰萬一焉

贊其德淳厚其行剛方靜好在室表正於鄉有子
曰綰綬有孫遊庠無惡無射譜乘齊芳

賜進士出身榮祿大夫前兵部尙書世愚姪陳大文

頓首填諱

十五世亮庵公傳

人非無才之患患在恃才而或吝於己人非有財之患患在聚財而不施於公族亮庵公亦燿祖行也少不羈英銳過人入塾師器之同學畏焉逮壯任事敢爲不避嫌怨識者謂才之可用卽見於此公席先緒有餘財投謁盈門氏族競附公於小人待之嚴不靳解推於君子遇以禮多所饋問禮云積而能散其在斯乎今夫器之偉者不域於細而鑿之精者務攬其全向令小露英華卒形畏葸自命揮霍究惜錙銖一

切祀先事神報本追遠之地未能建豎蔑有輸將君子將議其小有才而財之所及亦有限而難久乃求之公而大不然吾族卜築阮垞初民俗頗悍遇正人弗悛聆法言不信凡耆儒宿彥輩欲潛移默化之不可得公曰秉禮度義儒者爲難福善禍淫庸俗易曉吾惟導以祖宗之不可褻鬼神之不能欺而彼自洗心革面耳爰於祠廟則葺之乾隆十一年奉胞叔均王公遺命董葺一新於祭器則先之隨方遇圓概運匠心於廟田則增置之公掌簿正權生

息請膏壤

子姓入廟思敬無不去其桀驚作其儼恭

爾時馳騁慷慨之略已可想見一斑然里黨之間猶

未翕然變也公乃於葺祠外竭經營傾囊橐社廟用

光

里後廟賴公增制

古刹式煥

社北太平殿茶亭等處咸捐貲敬修

天神地祇

人鬼之屬率皆首議輸金按時致祭

既社神會之盛甲於他村皆公

為然後人無遠近氏無同異並知奉先孝祀神敬舉

向之背正人而抗法言者至此胥回心向道焉公之

善用其才為何如公之无私其財又復何如耶今往

矣追念遺徽燿總角時亦操杖屨視蚤莫近猶宵小

知懾君子起慕非曩昔之所圖者大而所及者遠乎

嗣四仲號星若叔季位南景南醇謹持躬先後不祿
豕君赤南卽今之協輯廟中者其他屈指孫曾業詩
書服買穡奉養庭闈効力京邸無不彬彬然可觀卓然
能立蓋公澤未艾於茲益見耳惟不敏將拭目以觀
後嗣之振興焉可也公諱世鏐字韜遠省齋公仲子
納粟入成均

贊其生也直其動也剛負干城寄爲鄉黨望平奠

曰我里社永我烝嘗廟饗神格奕世熾昌

十五世松心公傳

先儒云前面路須留得闊又云能吃虧卽是便宜語
雖淺近味却深長世人一時做不到就一生亦做不
到做得到時有一分便有一分好處又要不把好處
兩字按放胸中然後持行益堅得福益大族祖松心
公達先公仲子也出繼孝先公爲嗣性愿慤處事不
上人以非禮于之姑置不較間或拗直亦少定卽釋
弗怒甲遷乙也旣壯隨達先公服賈京邸踰兩載旋
歸勤理家政孝先公素饒裕乏嗣悉與公公而吝歟

日夜孳孳必專於利公而刻歟更或銖寸不捨作利已妨人事又何處吃虧何處留餘步耶乃公則概不然居鄉日用出入悉聽人不屑屑握算宗黨中有告貸者酌付之不償無怒色謂因好成尤易流刻薄也四明爲吾鄉鄰郡挾杜康往售輒獲利公黷友張姓乾歿千金因親誼隱忍並不控官有吳氏者亦公戚也估往粵東以公厚隱生覬覦亦旋襲張氏智而所吞之數等公故墮術中又復不認觀此兩節非實在服膺先訓而能坦然若此耶然公之肯吃虧則更有

大焉者祠廟湫隘且傾圮約計更移需貲頗夥公慨然當之越數年賠累經營勞怨並任他人處此方將舖張揚厲自以爲功甚以耗折之款浮載簿正若事且告竣捩手而讓之人此必不得之數也公則以力已竭時已延舉猶子之能者

名泰麟今亦協輯廟中

授以方略

期月而成而一切賠累勞怨之故概屏勿道此非特求便宜者不能卽肯受虧者亦所不到公之愿於是見卽公之不求好處亦於是畢見矣然而人之做不

到者公已做到極處天寧不以持行之堅特錫之福

耶公壻二嗣八人賈者以勤讀者畢秀仲嗣珩出宰黔省公覃恩贈銜堦下孫曾環集近百此里黨間所不數見者而獨於公得之將所謂做到一分自有十分好處耶抑前面路留得闊他人走得已亦行得耶予敬誌之蓋爲斯世之專已自封而卒歸無有者加一針砭也公諱世昌引年其字云文德公明其贊氣樸以茂體腴以豐如山之厚如鑑之空樂善曰書不倦雅度冲融景福用錫譽望攸崇

十六世孟父蕤浦公傳

廉吏可爲而不可爲斯言也其音哀其情激後人讀書至此輒爲掩卷歎歔作不平之鳴願自有道之士觀之特出一時感憤而雜以詼諧者未可爲筮仕者訓也孟父蕤浦公諱玉輅號阮川九齡入塾穎悟過人讀四子書卽解習儷語塾師難以對應若響族先進奇之曰是必能亢吾宗者及冠訪名師負笈赴郡旋率仲父虞琴季父瑋舟偕遊絜園太夫子之門風雨蓬窗雁行唱和有極盡怡怡之樂者友於兄弟固

已想見一斑顧此時特力於學耳夫出身期於加民
藏器所以適用經濟自學問出未有讀律未嫻而可
攝職從政者故雖以大父母之慈孟父之孝而遊學
日多承歡日少非敢因濫清疏親炙焉先是余鄉童
試縣府首拔輒入彀孟父初因邑侯郡伯皆非科目
出身啓疑學憲尋以古學弁郡獲雋發落日司衡全
少伯謂孟父曰麥秋賦甚佳吾故取爾爾其勉之次
年舉於鄉公車北上大父以盼望致疾逮歸卽捐舍

孟父含哀殯殮毀瘠終喪服闋赴都未嘗一日忘振

拔也然屢躡南宮艱於奉檄大母病痢內終孟父滯
留京邸聞訃奔家妥靈梅隄士名爾時抱恨終天而
所以用世之思益堅且篤今夫人之薰心於富貴者
以名爲名實以名爲利竊君之祿股民之膏相習成
風恬不爲怪誦讀時病斯中之矧其紐章而縮綬乎
孟父充四庫館事勤滿銓發山左任博山益都商河
等邑御下寬罪人被責
恒不滿杖待士厚較士最公
考試官門下極盛政
自己出民頌神君然明決之中隨寓渾厚言利事析
秋毫非惟泯於心抑亦置諸口庚戌冬燿丁先子艱

隨兄淝筠之任感沐薰陶日侍左右居年餘琴書在
室門絕苞苴燧心折已久而孟父於公退之暇輒誨
示燧輩曰居官無他長惟取愛民而已我歷任大邑

未嘗妄取一錢其平日周郵汝曹分潤宗黨

公每歲終以廉

俸分給諸父一門之族亦各依次餽遺

皆係倩俸留貽毋疑宦橐充盈

用切沾漑也燧敬聞斯訓益嘆六計弊吏首重在廉
向所云不可爲者果抒一時之憤而象齒焚身究未
容違斯義矣今孟父卒署垂二十年迴憶大僚保薦

仰荷

給恩綸沒一官黷然神往每憶輿觀旋歸同

察輓送有三千程驛路盡哭孤舟之句知孟父水節
自勵雖歿猶存非藉歲遷美官斯增光寵耳長兄早
折堂弟四人獲官者二皆以斗米折腰給妻孥焉似
廉吏二字又一脈相傳云

贊學優則仕出處咸宜經生廉吏非公而誰膏澤
曰滂沛齊魯謳思豐儀偉榦今猶見之

賜進士及第內閣中書前翰林院編修湖南副考官
姻愚弟邵瑛頓首填諱

十六世顯考柏川府君傳

先大父生諸父五人先子次居三孟仲父績學勿衰
躡屨負笈先子十二齡卽棄佔畢習會計緣大父家
政紛紜子身寡助且察先子才力過人可因應一切
故也先子旣廢學留意世務凡祭祀賓客喪葬婚嫁
諸務無不引爲己責備極操勞里黨見之者輒俛首
歛足謂英氣逼人不敢正視尋大父以家居非終身
計命師本宗之善錢穀者發硎吾郡新邑旣乃就食
江南蓋以承命爲孝實未嘗一日忘膝下也無祿大

父卽世孟父南宮報罷守制終表時子姓漸繁家業
稍替諸父因析箸然終非先子心姜家大被田氏荆
花嘗與不肖輩言而痛之痛之者何兄弟一本一經
分枝卽不免有風雨摧折之患故雖分門各爨而同
器同席不一日去諸懷乾隆辛卯夏以事畜兩艱入
不敷出稟命大母束裝北遊之燕趙齊魯間因姻伯
王西霞太史乾隆辛卯榜眼就山左武郡徐太守聘太守名觀孫令
嗣三俱大吏勤理五年中間伯虞琴叔翼雲相繼抵
與先子通譜署給資斧供飲食式好無尤不聞秦越至摒攬家計

母氏爲勞然奉甘旨延塾師姻族往來統賴季父滄
舟勸理而先子之所以托季父者益真且摯當日友
愛之忱其有非末俗所能彷彿其萬一者不肖燿敬誌
之不敢忘無祿大母內終醫藥禱祀苦塊哀號季父
一人任之若延請堪輿相擇善地則孟父京回共治
厥事逮仲父先子歸大父母已合葬梅隄矣抱恨終
天呼搶欲絕燿時年十四兄長二齡弟弱四歲於學
概未有進也先子命兄遊郡而仍館師於家燿率弟
偕事之蓋因久賫棄書之憾而欲隱償之不肖輩焉

慈孝之情於茲益見越明年會邑王孝廉和仲先生
以大挑銓發直省先子向友善禮聘往赴遊燕計十
年不肖等婚二嫁一先後遊庠需金千餘母氏典質
殆盡然強半聘中物也甲辰夏孟父勤滿選山左顏

神

卽今之
博山縣

先子辭王令之署大而刑錢小而日用飲

食靡不目覽神運任勞無倦不一載而病伯氏往省
者二至丁未冬病劇遄歸抵家日先子年未杖家而
鬚髮皤然精氣嗟鬱不肖燈匍匐問安涕泗交集而

先子曰吾讀書不成納官待用忽忽數十年爲病魔

縛名利非所問矣然自信孝弟慈愛之理尙不十分
抱疾且出遊都邑與賢士大夫交食重肉衣麗都命
僕呼騶炫煌於道

先子相事王令蒙本道委辦河
工給付儀仗與邑合等故云今

以病歸團聚實上賴神佑汝曹努力向上博得一名
我願斯足無過事悒鬱爲也又明年季弟受知朱文
正公季妹適蕭氏先子病中以欣以慰謂汝兄弟俱
入泮二妹俱遣嫁我雖病汝母健向平之願已慰汝
曹勉爲之母再以薪水米鹽重煩二老然上而祀先
中而餉客下逮不肖等郡省考試輒猶扶病支離躬

親檢點庚戌二月中床褥呻吟勢似不救下浣三日

呼不肖燿至榻前曰我莫追嗣後事宜惟汝一人了

局病非藥治姑爲覓參可耳不肖如命購服越日而

兄弟三人已同服衰經矣痛哉夫天性之恩父子最

篤燿年五十二矣追計先子驅馳周道旅食異都不

肖燿環膝承歡十不獲二熒熒失怙兩痛鴿原自甲子夏

逮今十年之間伯季偕逝有母尸饗時慚餅罄酸心辣鼻之況真

有中夜徬徨而起坐不寐者秉筆廟中略述梗概未

識克當大人先生之一覽否耶先子官諱芝號柏川

別號我川遵川楚例報捐縣尉

贊慷慨任事磊落使才一官未遂爲賦歸來有詩

曰留篋有酒盈杯以此終老水潔霜皚

賜進士及第雲南鹽法道前翰林院修撰湖北正考

官姻侍史致光頓首填諱

十七世

泚筠先生
記軒甫

合傳

兄弟如手足亦天生羽翼也經云兄弟睦家之肥又
曰凡今之人莫如兄弟未有翦其羽翼斷其手足而
可以求飲於人者故兄弟無故雖孟氏之聖嘗繫之
二樂云焄兄弟三人伯維君季記軒予其次也幼時
從學塾師讀四子書坐同席食同器笑言啞啞跬步
不離蓋有任天而動莫名其樂之所在者今子身矣
回首疇曩潸然涕下用述伯季之略如左伯氏諱書
城一字淝筠好學善悟經史子集遇目卽了無疑竇

年十二屬文爲婁師利川夫子稱賞十七邑試第二

乾隆辛丑夏補弟子員時年廿二次年姑丈金意山

先生

辛卯進士

宰古歛伯往謁就正休寧院長田孝廉之

門砥礪半載脫稿百餘見者咸嘆曰閩中肆外必用

材也癸卯省試備中以次藝稍遜不果時季弟亦偕

予負笈遊矣因先子客燕考校肆業一惟兄命是聽

甲辰歲試予獲雋季亦備進季之文實不弱於予會

孟父選山左先子之任勦事伯往省者二旋去旋反

攻苦之外聚首庭闈其樂無極丙午得先子病耗伯

借友人沈星夜往視至丁未冬暮扶輦南歸予喪偶
續娶敬率妻孥奉觴上壽一堂之上洩洩融融皆伯
氏力也戊申季弟襲名書塚後更書紳受知大興朱文正
公先子慰甚入學日置綵聯導輿有喜作三株後殿
之句蓋屬望後來匪淺鮮也而予亦自幸居伯季間
亡何太行絕坂屢困鹽車風雨驚心靈椿花萎先子於庚
戌二月伯挈予之孟父署季攝館俞氏兩地遙遙尺
書頻寄載餘返棹爲壬子再戰計也又黜癸丑秋季
就婚西蜀張薌溪姻伯任中伯束裝偕往留予守門

鬻叢烏道輿僕魂摧母氏倚門雲迷陟屺成禮返季
弟謂予曰蜀道天險太白詩嗟爾遠道之人胡爲乎
來哉非謬語也此後卽腰纏當不復往矣用是遇益
奇志益篤兄弟觀摩各就館穀歲科試俱高等予倖
食餼伯氏工吟咏有菜花詩見美江南王椒畦先生
謂係才子之筆附錄於後學使阮芸臺先生按郡伯兩拔
古學發落給文房數事且曰惟爾解得作詩藪山會
課各樹文幟不肯讓人季弟文猶爲陳古華天子歎

賞後亦伯晚歲爲文刻苦一洗腸肥腦滿之習作勸

孝文十藝張問樵夫子暨陽錢梓軒先生

名秉錫兩午孝廉司

鐸嚴皆謂的是羅文止戚价人稿中文字

節刻時流兩藝

病其瘦削不近墨裁伯額之終不復改也季弟造語

精到酷類黃岡以經解經下語如鑄士林咸畏之予

薄家累學殖荒落振拔二字方冀伯季奮翮雲衢慰

先子於九原奉萱親以牲養奈何命與仇謀天不錫

算由甲子至戊辰五載之間先後溘逝耶先是伯氏

括帖外精習和緩生死關頭窮極經絡固已人濟已

憊逮因季弟之折由伯病致

甲子夏伯染熱症予夜坐月餘旋累季弟九日

而故伯傷心瘠骨亦不數載而斃嗚呼當二人之生也文藝優長盡孝唯謹而二人之歿也友愛之情尤復到底不懈不可以振末俗挽頽風乎伯生二子長

鍾謙次

鍾泰

季弟無嗣

鍾泰

出繼伯氏易簀日整冠

起坐向母氏叩首謝不能畢養罪嗣執予手謂季弟早亡予又無祿弟其善事老母看顧兩兒予涕泣受命今倏忽又六年矣母老家貧兩臂俱失每誦孟氏無故之訓輒慨此樂難再併覺一點酸直從脚底起也噫

贊 兄弟一氣其樂怡怡於何比似維壘與簾嗟余

曰 不辰伯季早去人琴偕亡言之齒齷

節錄伯氏勸孝文二菜花詩四附刊季弟院課

文一

嘉慶庚午科順天中式舉人子壻郭應奎百頓首填

諱

人少則慕父母

使人而常如少也則親不慮其不慕矣夫誰無父母而弗知慕者然誰非人子而慕惟少也人少則慕少顧能常恃乎哉且吾不解世之人何以諱言少時事也豈以狎於親暱者爲少時歎乎夫舉人世欣羨之端茫無所解而惟依依於二人是恒性之流露獨真焉安得因少不更事而反以專壹者追嫌蒙昧耶舜之號泣以怨慕故舜何絕似少時哉雖然但以少論則亦人人皆舜耳何也人少之慕固未有不於父母

者也慕起於欲不獲遂而遂少時之欲者何人乎使
舍父母而別有能遂者則慕或未擊耳胡抱哺所需
不聞於怙恃外求安飽也慕甚於憂不可釋而釋少
時之憂者誰職乎倘非父母而有能代釋者則慕或
旁貸耳胡撫摩待濟但覺於瞻依時關痛癢也蓋少
則念無分營求本同原而易給故食息之細父母能
消息之卽笑語之真父母得顧樂之也離固不容暫
離忽亦無憂少忽當其時所謂訢合無間者雖歆以
士女富貴之奉俱弗之覺而不我易焉而望成立以

致顯揚者反不願其長此狎順已而少則情深一往
愛常不博而能專故慘怛之呼惟期父母曲護之卽
因依之切祇樂父母獨領之也懷顧復而麾之不去
藉捧負而不招自來當其時實有相依爲命者雖重
以譴呵怒詈之加覺尤固結而不可解焉而平拂鬱
以殷歸向者乃益見其純任自然已然而人孰不自
少來哉顧慕在少時率忘其故今試執人而語之曰
爾少時所慕者固惟父母也當無不瞿然驚矣蓋慕
卽漸忘而覩他人之弱小相依轉憶曩日之樸誠不

貳始嘆庭幃親愛斷難復挽諸生初而生我劬勞者
乃止於智識未開時逢其暫人亦共期少慧耳顧以
少徵慕反幸其愚今試責人而矯之曰爾慕於少者
已非父母也更無不拂然怒矣蓋慕難幾幸而當天
性未漓之日豈乏民彝其秉之良可知毛裏屬離同
此眷懷於在抱而感恩罔極者寧反於聰明日長後
汨其真詎知身壯心離輒漸分父母之慕以卑他人
也吾知愛憐其少者止覺少猶吾子矣夫安得號泣
者之長如少乎哉

張問樵夫子評

冥觀幽討刻劃
圭角出崖窾

父母在不遠遊
父母不能常在也聖人爲遠遊者警焉夫遠遊者亦知有父母在否耶在而遠遊是以父母爲能常在矣烏乎可且夫人駕言出遊而不憚道之云遠者大都四方之志悞之也不然亦安忍一日離其親也哉故望子者雖不專於晨昏責定省之儀而念親者必不願以雲樹擾庭闈之夢苟飄然長往日薄西山卒致抱恨終天而始歎父母之不在也嗚呼亦已晚矣然則爲子者亦安得父母常在哉幸而在焉如之何以

遊間耶子無父母何以至成立子而能遊則父母亦
幾衰矣倘不知其衰而但安所適則悠悠行路亦徒
陟岵岵而極目鄉雲父母無子何以終餘年子而以
遊或亦顧父母養耳然欲致其養而先絕所歡則落
落關山要惟覩縫線而傷心春日嗟乎父母而幸在
也如之何以遊間耶而况遊而遠耶彼世之事遠遊
者直不知有父母在耳如其知之則膝前歡笑何可
倖邀而忍以萍梗之淹留失高堂之問視如其知之
則百歲年華曾無多日而甘以旅人之修阻傷垂暮

之精神然吾亦非謂遠遊者竟不知有父母也音容
莫接道阻且長卽千里寓書常恐浮沉於郵置顧亦
知父母之念遠遊者何如耶存否兼疑不我能卽縱
一家無恙終難慰藉乎起居是故非無兄弟修稱觥
之慶而顧雁行之失侶輒以天涯人遠遽輟夫椒馨
則於邑在心獨抑鬱其誰語亦有妻孥任井臼之勞
而覩弱小之無依轉因負米遠離難甘其奉養則矜
憐倍切尤含意而未伸且也良時冉冉日永如年其
子或林壑怡情結賓朋而賞心異地父母反念其索

居岑寂苦易飢於長日而餐食因之不加寒夜迢迢
簞涼如水其子或飲從達旦狎曹好而罔念故鄉父
母方憂其旅館蕭條數獨寐於荒更而輾轉爲之反
側嗟乎言念及此遠遊者能一日安乎故吾願爲子
者爲雞黍之逮存勿藉口於王事馳驅遠縻夫升斗
而令異日椎牛以祭悲五鼎之空陳爲喜懼之致愛
勿動念於朋儕招引遠棄夫桑榆而使一時風木生
哀勵三年之遺行況乎無益者身外之圖得何足喜
孰令耽耽逐末而以遠莫能致者貽門閭倚望之憂

罔極者生我之報失何可償胡竟碌碌依人而以遠
於將之者作傳舍往來之客嗟乎行遠而遇故交握
手情殷莫不省親在之近狀何當其在而噬肯來遊
倦遊而歸鄉里到門心怯不敢問親在於旁人何恃
其在而遄臻於遠則甚矣父母在者之不可遠遊也
卽曰有方父母之憂能暫釋耶而世之好遠遊者願
以父母爲能常在也抑獨何與

至情至文普天下遊子讀此文者那得不辭歸

養親

暨陽錢秉鈞跋

菜花

漫嫌繡壤不分疆作色偏宜一樣黃
晴淨桃花開造次醞沾穀雨醞
芬芳從教畝旅誇春艷未許嬌
媵媚鬢光十里到門風景別
土爰合讓占農祥

其二

塗泥釀出十分黃天遣繁花利在
甿拾穗尙參陶甕綠蹴蔬曾夢
大官羊人強散植無他韻我謂
凡葩不及香異日論功隆繼晷
萬家燈火此間藏

其三

花事關心闢野堂還從菜把細平章民無此色同春
益士肯茹根味最良謝爾蜂媒連蝶使先他玉粒飽
金漿和風甘雨恩施渥綠遍根莖稱厥黃

其四

繞郭春晴畫本張秀延麥綠顯花黃一天夜氣融朝
露萬頃韶華送夕陽隔浦橫塘人影出疎籬茅店野
風香緩歸陌上開如許知否田園引興長

才人之筆

江南王椒畦先生許

子曰巍巍乎舜禹之有天下也而不與焉 記軒

聖人嘉古治利物而不利已也蓋功德至舜禹高矣大矣而心不與天下此古治之隆夫子所由嘉歎不置也古之有天下者五帝以前不可得而詳已尙書特載堯以來治功蓋巍巍然而說者謂堯讓天下於許由許由不受由之忘情富貴無有能及之者嗚呼無治世之功而高言忘世其中蓋實有不足也無不足而無不忘者則舜禹是舜禹者嘗以天下爲已任不以天下爲已榮者也夫子生千百載後統論古治

而首於二聖人有感焉曰遐哉舜禹真無有及之者
矣蓋以帝之統自舜終而其初則匹夫也窮蟬而後
世爲庶人舜自分以耕稼老耳自側陋揚於帝廷忽
徵庸忽在位舉高辛世及之神器而享之垂五十年
使無高世之量必將震於所有也而舜則量高天下
也王之統自禹始而其初則臣工也圮族在先繼平
水土禹自度得幹蠱足矣乃文命敷於海甸旋宅揆
旋總師卽正月元日之舊章而受之在十七載使無
超世之心必將耀其所有也而禹則心超天下也巍

魏乎其有天下若固有者乎夫舜禹之將受終也南
河則避陽城則避夫亦謂貴有常家身爲人臣萬不
敢取之宮中耳迨避之不得而不取之宮中者亦不
視爲意外也蓋維履位能不疚故受寵乃不驚也魏
巍乎其有天下如無有者乎夫舜禹之當底績也且
讓於德且讓於賢夫亦謂治歸從欲俗丕苟變卽不
必多上人耳迨讓之不可而非求上於人者亦不疑
滯於物也蓋惟視失不加戚故處得不加欣也則謂
其功被天下而不與焉可也舜有大功二十在舉十

六族而去四凶舜之奏功八年在奠九州而賴萬世
維時爲之君者旣異位以酬庸矣而托庇宇下者且
歌功不朽也不意有天下者轉漠然也富而不驕貴
而不溢徵聖人其誰與歸則謂其德溥天下而不與
焉可也舜之德則罔愆好生之機常在宥禹之德則
甚遠拯溺所至免爲魚維時爲之君者旣虛位以命
德矣而沐浴膏澤者更頌德弗衰也不意有天下者
轉澹然也情順萬物而無情欲通萬物而無欲非大
聖而能若是乎

院長陳古華夫子評

雍容大雅生面獨開遂使題中實義虛神顯豁

刻露

蕺山會課超等一名

節孝總序

人之大綱有四曰忠曰孝曰節義其名不相假也其實亦不相蒙顧分言之則各行其是互勘之則一理渾然隨處充滿未有足於此而不足於彼者正大之氣彌漫兩間充浹六合奇男子偉丈夫史冊所垂旣指不勝屈矣然而松筠勵操夙懷從一之箴茶蘖甘心旋守未亡之訓人蛻空房輝生彤管不可謂巾幗中無令範也以故奉匜執杖堅守柏舟之誓躬任夫勞晝荻丸熊苦存塊肉之貽仰承先祀其節也何如

其孝也何如建百尺之穹碑日星同炳邀萬年之
榮緯雨露咸沾亘古爲昭於今尤烈書於史曰邦綏
勒之牒卽曰女宗譜成節錄吾族之完真合例者人
綱之不墜其在斯乎其在斯乎

族譜
書
燧
敬
識

人
之
大
德
言
曰
忠
曰
孝
曰
節
義
其
各
不
勝
列
也
其

節孝總目

三十五世孫振聲配陳氏於雍正 年具題請

旌廟額二九奇貞

三十五世孫振恩配葉氏於乾隆乙酉年具題請

旌廟額苦節堅貞

三十五世孫振裕配王氏於乾隆 年具題請

旌廟額松筠雅操

三十五世孫振綸配沈氏於乾隆辛酉年具題請

旌廟額節孝流芳

三十六世孫世錡配沈氏於乾隆 年具題請

旌廟額

三十六世孫世平配傅氏於乾隆丙寅年具題請

旌廟額嗣音黃鵠

三十六世孫世麟配沈氏於嘉慶癸酉年具題請

旌廟額

三十七世孫瑞配余氏於嘉慶戊午年具題請

旌廟額丸荻流芳

三十七世孫泰恒配盧氏於嘉慶癸酉年具題請

旌廟額柏操松齡長歌酒漿丸餅丸餅丁丑年具題請

旌廟額三十七世孫泰錕配李氏於嘉慶癸酉年具題請

旌廟額甘心茶藥樂志酒割丸餅丸餅丁丑年具題請

旌廟額三十七世孫泰鋌配莫氏於嘉慶癸酉年具題請

旌廟額金管書芬樂慧酒故丸餅丸餅丁丑年具題請

旌廟額三十七世孫泰寶配錢氏於嘉慶癸酉年具題請

旌廟額瑤池冰雪樂慧酒故丸餅丸餅丁丑年具題請

旌廟額三十七世孫泰賓配趙氏於道光丙戌年具題請

旌建坊廟額

旌廟額 三十八世孫書珪配劉氏於嘉慶戊辰年具題請

旌廟額 三十八世孫泰實配張氏於光緒丙子年具題請

旌廟額 三十八世孫樂道配夏氏於咸豐 年具題請

旌廟額 三十八世孫秦豐配陸氏於光緒癸酉年具題請

旌廟額 三十八世孫樂慧配茹氏於光緒丁丑年具題請

旌廟額 欽旌節孝 泰煥配莫氏於光緒癸酉年具題請

旌廟額 三十八世孫樂志配陸氏於光緒丁丑年具題請

旌廟額 三十八世孫泰齡配李氏於光緒癸酉年具題請

三十九世孫昇輝配蔡氏於光緒丁丑年具題請

旌廟額

三十九世孫昇凱配徐氏於光緒丁丑年具題請

旌廟額欽旌節孝

三十九世孫昇惠配胡氏於光緒 年具題請

旌廟額

三十九世孫昇錢配陳氏於光緒 年具題請

旌廟額 十世孫平精 配宋氏 於光緒

三十九世孫昇陽配周氏於光緒 年具題請

旌廟額

旌廟額三十九世孫昇彪配劉氏於光緒 年具題請

旌廟額十世孫具題請

旌廟額四十世孫平詩配朱氏於光緒 年具題請

旌廟額十世孫具題請

旌廟額十世孫具題請

旌廟額十世孫具題請

旌廟額十世孫具題請

旌廟額十世孫具題請